

IZVJEŠTAJNO IZBORNA SKUPŠTINA

Uvodno izlaganje Miladin Vidaković, predsjednik kantonalne organizacije

Izvještaj o radu organizacije SGV-PR u periodu između dvije Skupštine koju ste dobili uz poziv za ovaj skup važan je dokument koji na najbolji način iskazuje sve ono što je činjeno, čime su se bavili naši organi kao i ono što ćemo raditi u narednom periodu i koji su pravci daljeg djelovanja naše organizacije. Ovoga puta u skladu sa dogovorima i odlukama organa SGV-PR BiH izvještajani period je skraćen sa četiri na dvije godine sa osnovnom željom i namjerom da se dodatno intenzivira rad na svim nivoima organizovanja.

Na posljednjoj sjednici Upravnog odbora organizacije ocijenjeno je što je sadržano i u dostavljenom Izvještaju da je aktivnost bila uspješna, konkretna i ispunjena različitim sadržajima koji su doprinijeli da se učine dalji iskoraci u ostvarivanju zacrtanih ciljeva.

Period koji je iza nas potvrda je i ispravnosti naših strateških opredijeljena izraženih prije svega kroz borbu za reintegraciju našeg grada, Kantona i BiH u cjelini, zalaganje za konstitutivnost svih naroda odnosno za punu ravnopravnost srpskog naroda u FBiH i bošnjačkog i

hrvatskog naroda u RS ali i drugih pitanja značajnih za ukupan razvoj naše sredine i bosanskohercegovačkog društva u sredini. Petnaest godina djelovanja i rada naše organizacije sigurno je zasluživao i posebne oblike obilježavanja ali ukupne okolnosti u kojima djelujemo posebno one finansijske prirode upućuju na potrebu sagledavanja dostignutog i pospješivanju naše buduće aktivnosti upravo na pitanjima koje se tada (1994) sa naše strane pokrenute, a odlukama Ustavnog suda BiH i visokog predstavnika 2000 i 2002 godine potvrđene. Na ove možda i najznačajnije postdejtonske događaje u BiH hoću da podsjetim baš zbog onog zbog čega je kroz svakodnevne aktivnosti insistirala i uglavnom istrajala naša organizacija kao bitne pretpostavke za snaženje naše države i svega onoga što je vodi u dalji proces evropske integracije. Uz bavljenje povratkom raseljenih lica i izbjeglica ovo je bila osnovna oblast djelovanja naše organizacije koju danas zajednički analiziramo, ocjenjujemo i dogovaramo nastavak još veće aktivnosti. Ova pitanja dala su pečat našoj aktivnosti u izvještajnom periodu i bila su na više načina prisutna kao prioriteti kroz različite oblike djelovanja počevši kroz od tematskih konferencija, okruglih stolova, savjetovanja, pa do sačinjavanja različitih informacija, zahtjeva, saopštenja, reagovaja i poziva na konkretnu akciju vlasti različitih nivoa organizovanja Kantona Sarajevo posebno.

Za realizaciju,naprijed navedenih aktivnosti,treba istaći finansijsku pomoć za programske aktivnosti, koju nam ,u poslednjih nekoliko

godina, pruža Vlada Kantona Sarajevo. Potrebno je istaći i dobru saradnju sa Ministarstvom za rad, socijalnu politiku, izbjeglice i raseljena lica u pružanju pomoći povratničkim porodicama koji su u stanju socijalne potrebe, a posebno sa Ministarstvom unutrašnjih poslova i njegovim čelnim ljudima, sa kojim smo neposrednim kontaktima i razgovorima zajedno rješavali i prevazilazili probleme iz njihove nadležnosti, a na zadovoljstvo građana posebno povratnika.

I pored činjenice da Kanton Sarajevo prednjači u odnosu na druge sredine u BiH u dostignutom stepenu ostvarivanja ljudskih prava i sloboda, ovom prilikom želim da istaknem i nedostatke, oprustikcije, pa i svjestan otpor civilizacijskim bolje rečeno evropskim vrijednostima. U tom smislu veoma ilustrativan pokazatelj sadržan u izvještaju i Tabeli koju imate u prilogu materijala koji se odnosi na popunjenost pozicija u javnim ustanovama, preduzećima i upravnim ustanovama Kantona Sarajeva.

Šest ili 3.04% pozicija kojom popunjavaju građani srpske nacionalnosti u javnom sektoru kao i još nepovoljniji odnos zaposlenih u opštinskim i kantonalnim organima uprave, svih 9 načelnika opština u kantonu su bošnjačke nacionalnosti ukazuje na nedostatak želje i političke volje vlasti za primjenu Amandmana.

Još drastičniji primjer je trenutno stanje zastupljenosti u najvažnijim institucijama i organima Kantona (Predsjednik Skupštine,

Premijer Kantona, Kantonalni sud i Glavni tužilac) nije zastupljen predstavnik srpskog naroda.

Zaslugom inicijative Klubova iz reda srpskog i hrvatskog naroda na Skupštini kantona usvojen je Zaključak da se u roku od tri mjeseca sačine Program nacionalne izbalansiranosti odnosno ravnopravne zastupljenosti kadrova iz tri naroda na navedenim pozicijama u javnim preduzećima, ustanovama i upravama. Ovaj zahtjev se temelji na više nego očiglednoj dominaciji jednog naroda u javnom sektoru Kantona i opština.

Treba li i ovom prilikom isticati da ustavno načelo o konstitutivnosti tri naroda nije demokratska fraza ispisana reda radi nego načelo koje mora slijediti konkretna politička praksa. Čak da i takva ustavna norma nije propisana iz političkih, kulturnih i tradicijskih razloga vlasti sarajevskog kantona morale bi prednjačiti u dosljednoj primjeni principima nacionalne ravnopravnost.

Ove iznesene ocjene i podatci nemaju za cilj da umanje dosada otvoreno u primjeni Amandmana kao što je izbor dva člana Vlade Kantona, potpredsjednika Skupštine kantona, tri predsjednika opštinskih vijeća kao i usklađenost većine Statuta opština i Ustava kantona sa Amandmanima o konstitutivnosti naroda. Pozitivan primjer implementacije Amandmana je nedavno konstituisano Gradskog vijeća, izbor Gradonačelnika i njegovih saradnika, ali i nacionalna struktura zaposlenih u Upravi Grada Sarajeva. Ne treba posebno naglašavati da je

pitanje primjene Amandmana a posebno zapošljavanje i ekonomski položaj građana najneposrednije vezeno za rezultate povratka raseljenih lica i izbjeglica jer je izvjesno da bez dosljedne primjene osnovnih principa konstitutivnosti naroda nema ni povratka i to onog održivog koji pored dobrog bezbjedonosnog stanja podrazumijeva i ambijent tehničke i socijalne infrastrukture, bolje organizovane zdravstvene zaštite, penzionog osiguranja, obnove vjerskih objekata i kulturnih institucija. Iz tabele o broju povratničkih porodica Kantona Sarajevo očigledan je trend pada, i to značajniji, u posljednjih nekoliko godina u odnosu na period donošenja Amandmana.

U posljednjoj 2008. godini i prvih šest mjeseci ove godine povratak je ostvarilo 117 povratničkih porodica srpske nacionalnosti. U odnosu na 7.654 u 2002. godini što je najbolji pokazatelj ispravnosti prethodne konstatacije.

Naravno ovakvo stanje, u oblasti povratka raseljenih i izbjeglih lica doprinosi teško ekonomsko stanje problemi u zapošljavanju, odlazak većeg broja međunarodnih humanitarnih organizacija sa područja naše zemlje i kantona kao i nešto smanjeniji broj dobrovoljno prijavljenih građana za povratak. Treba također kao razlog pada broja povratničkih porodica u naš kanton posebno povratnika iz reda srpskog naroda tražili u nepotpunim kriterijima dodjele sredstava za rekonstrukciju, a posebno činjenica da je dosada prema podacima iz Izvještaja o realizaciji programa povratka u KS u posljednje tri godine izdvojeno za održiv

povratak nepunih 400.000 KM što je priznaćete nedovoljno i za mnogo manje sredine nego što je najrazvijeniji Kanton i glavni grad BiH.

Hoćemo da naglasimo da će SGV-PR Kantona Sarajevo nastaviti i dalje intenzivirati aktivnosti na povratku sve dok i posljednja povratnička porodica sa ovog područja koja je dobrovoljno izrazila želju za povratak to svoje pravo i ne ostvari. U tom pravcu sačiniti će se poseban Program aktivnosti koji će imati za cilj da pritiskom na vlast iste prisili na obezbijedenje uslova za stvarni i održiv povratak.

U tom pravcu učinićemo i aktivnosti da kvalitetnijim primjenama Revidirane strategije povratka u BiH koja očigledno dosada nije dala željene rezultate. Po Ustavu BiH Sarajevki kanton specifičan je i pored ostalog po činjenici što je Sarajevo glavni grad BiH. Postojećom ustavnom regulativom status Sarajeva neprecizno je i nedovoljno definisan što za posljedicu ima i niz praktičnih problema na relaciji Kanton sarajevo, Grad Sarajevo i opštine u sastavu Kantona.

Imali smo dosada značajne aktivnosti na definisanju statusa, konstituisanju organa našeg glavnog grada što ćemo i ubuduće nastaviti zalažući se pored ostalog za donošenje zakona o glavom gradu BiH, koji bi grad Sarajevo definisalo kao jedinstvenu i cjeloviti teritorijalnu zajednicu, jedinicu lokalne uprave svih opština u prijeratnim granicama. Uvjereni smo da će novi saziv Gradskog vijeća i Uprava grad u sklopu ukupnih ustavnih promjena ili bez njih uspjeti vratiti Gradu, status,

funkcije i nadležnosti koje mu pripadaju i učinit Grad onim što je nekad uistinu i bio, ponos i uzor u ovoj regiji.

Nema potrebe da nabrajam sve druge aktivnosti kao što su npr. temeljito i trajno rješavanje problema građana koji žive u vodozaštitnoj zoni sarajevsko polje, prijedloga naziva ulica, uvođenje vjeronauke u predškolske ustanove te raznih tehničko operativnih poslova koje su činjene od strane organa i pojedinaca iz naše organizacije jer ste i sami najčešće bili učesnici tih akcija te Vas pozivam da konstruktivnim i konkretnim prijedlozima i danas date doprinos daljem unapređivanju i intenziviranju našeg rada.

I na kraju želim da naglasim da je održavanje današnje Skupštine najvišeg organa naše organizacije prilika u kojoj treba izraziti zabrinutost zbog zaoštavanja političkih odnosa u BiH, rastu međunacionalnih tenzija i pojačanu sve agresivniju nacionalnu retoriku koja zahvata i ugrožava i onako još uvijek osjetljiv bosanskohercegovačko društveno i državno tkivo. Zbog toga je današnji skup prava prilika da ponovo iskažemo jasan i nedvosmislen stav da je **SGV-PR KS trajno programski opredijeljen za borbu za zajednički život, toleranciju i mir. I ovom prilikom potrebno je naglasiti nužnost jačanja odgovornosti za mir i toleranciju među građanima i narodima. Naša organizacija kao dio SGV-PR BiH se zalagala i zalagaće se i dalje za ostvarivanje strateškog cilja, a to je integracija BiH u Evropsku uniju što je potvrđen interes većine građana naše države.**

Provođenje reformi važnih za integraciju u EU najviše ovisi od izabраниh vlasti i koalicione većine Parlamenata entiteta i Parlamentarne skupštini BiH. Zbog toga podržavamo sve odluke i nastojanja Upravnog odbora Vijeća za implementaciju koje imaju za cilj jačanje institucija države kako bi se ubrzale reforme od kojih ovisi ispunjavanje uslova za pijem u članstvo NATO i EU.

I ovom prilikom posebno ističemo da oštro Osuđujemo sve vrste vrijeđanja našeg grada i građana Sarajeva, uporno pozivanje Srba da napuštaju Sarajevo, stvaranje lažne slike o suživotu u Sarajevu a posebno iskrivljivanje istine i sijanje laži o stradanjima Srba u toku rata posebno broja stradalih kao i sve morbidne i skandalozne izjave vezane za masakr na pijaci Markale. Sve ove izjave koje dolaze od čelnika RS i nekih nevladinih organizacija iz RS ne mogu niti će imati podršku građana srpske nacionalnosti ovog grada i SGV-PR kao nevladine organizacije sa potvrđenim opredjeljenjem i istrajavanjem na suverenoj, prosperitetnoj i demokratskoj BiH.